

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj:12/03, 34/03, 65/13), člana 12. Zakona o javnim preduzećima u Federaciji Bosne i Hercegovine („Službene novine FBiH“, broj: 8/05, 81/08, 22/09 i 109/12), člana 257 stav 1. tačka (f) i 263. stav 3. Zakona o privrednim društvima („Službene novine FBiH“, broj:81/15 i 75/21), člana 22. i 29. Statuta Javnog preduzeća «Vodovod i kanalizacija» d.o.o. Zenica (Službene novine općine Zenica“, broj: 5/06, 3/07, 07/07, 1/12 i „Službene novine Grada Zenica“, broj:3/15, 6/21, 3/23, 2/24 i 4/25) i Odluke o utvrđivanju i raspisivanju Javnog konkursa za izbor i imenovanje direktora Javnog preduzeća „Vodovod i kanalizacija“ d.o.o. Zenica, broj:100-10728/25 ŠS od 18.09.2025.godine, Nadzorni odbor Javnog preduzeća „Vodovod i kanalizacija» d.o.o. Zenica, raspisuje:

JAVNI KONKURS

za izbor i imenovanje direktora

Javnog preduzeća „Vodovod i kanalizacija» d.o.o. Zenica

Raspisuje se javni konkurs za izbor i imenovanje direktora Javnog preduzeća «Vodovod i kanalizacija» d.o.o. Zenica, na mandatni period od 4 (četiri) godine, s mogućnošću ponovnog imenovanja.

I Opis pozicije direktora

Direktor Javnog preduzeća „Vodovod i kanalizacija» d.o.o. Zenica, koji čini Upravu Javnog preduzeća „Vodovod i kanalizacija“ d.o.o. Zenica, u skladu sa članom 27. Statuta JP „ViK“ d.o.o. Zenica, nadležan je i odgovoran za:

- organizaciju i vođenje poslovanja Preduzeća,
- rukovođenje procesom rada,
- izvještavanje Nadzornog odbora Preduzeća na njegov zahtjev,
- implementaciju etičkog kodeksa u Preduzeću,
- provedbu Statuta, etičkog kodeksa i drugih akata Preduzeća,
- izradu prijedloga i nadgledanje realizacije planova poslovanja,
- osiguranje provedbe propisa za postupak javnih nabavki,
- izradu kalkulacije cijene i načina plaćanja komunalne usluge,
- donošenje, izmjene i dopune Pravilnika o radu i akta o načinu utvrđivanja odgovornosti zaposlenika za povrede radne obaveze, kao i ostalih općih akata,
- izradu provedbenih propisa za postupak nabavki kao i za provedbu zakona o javnim nabavkama,
- pripremanje prijedloga o raspodjeli dobiti ili pokriću gubitka,
- odlučivanje o pravima i obavezama zaposlenika iz ugovora o radu shodno Zakonu radu, Kolektivnom ugovoru i Pravilniku o radu,
- zastupanje Preduzeća prema trećim licima,
- staranje i odgovornost za zakonitost rada Preduzeća,
- primjenu preporuka Odjela za reviziju,
- osiguranje uslova za rad Odjela za internu reviziju u pogledu prostora i cjelovitog uvida u evidenciju Preduzeća potrebne za njihovo obavljanje poslova,
- druge aktivnosti neophodne za nesmetano poslovanje Preduzeća.

II Kandidati koji apliciraju za poziciju direktora JP „ViK“ d.o.o. Zenica moraju ispunjavati opće i posebne uslove

a) Opći uslovi su:

1. da je državljanin Bosne i Hercegovine,
2. da je stariji od 18 godina,
3. da posjeduje zdravstvenu sposobnost za obavljanje funkciju direktora,

4. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (ili na nivou države ili entiteta) u periodu od 3 (tri) godine prije dana objavljivanja ovog Javnog konkursa,
5. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“, broj:12/03, 34/03 i 65/13),
7. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH („Službene novine u FBiH“, broj:70/08),
8. da nema privatni i/ili/finansijski interes u JP „ViK“ d.o.o. Zenica,
9. da nije osuđivan za krivično djelo i za prekršaj nespojiv sa dužnošću Uprave – direktora, 5 (pet) godina od dana pravosnažnosti presude, isključujući vrijeme zatvorske kazne,
10. da nije lice kojem je pravosnažnom presudom suda zabranjeno obavljanje aktivnosti direktora u javnim preduzećima u FBiH.

b) Posebni uslovi

1. VSS – VII stepen stručne spreme, odnosno visoko obrazovanje prvog (najmanje 240 ECTS bodova), drugog ili trećeg ciklusa Bolonjskog sistema studiranja mašinske, građevinske ili ekonomske struke, Mašinski fakultet, Građevinski fakultet ili Ekonomski fakultet,
2. 5 (pet) godina radnog iskustva u struci i spremi od čega najmanje 3 godine na rukovodećem radnom mjestu,
3. poznavanje rada na računaru MS Office,
4. da ponudi program razvoja preduzeća za period od 4 (četiri) godine,
5. certifikat o završenom usavršavanju izdat od strane nadležnog organa, u skladu s odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine FBiH“, broj:71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od 6 (šest) mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidata u postupku usavršavanja, a u skladu s važećom Uredbom.

III Potrebni dokumenti

Prijava kandidata treba da sadrži kraću svojeručno potpisanu biografiju, adresu, kontakt telefon i e-mail adresu.

Uz prijavu kandidati su dužni dostaviti sljedeće dokumente (originalne ili ovjerene kopije):

1. Uvjerenje o državljanstvu BiH, ne starije od 3 (tri) mjeseca od datuma objave Javnog konkursa
2. Izvod iz matične knjige rođenih,
3. Uvjerenje o prebivalištu – CIPS, ne stariji od 3 (tri) mjeseca od datuma objave Javnog konkursa
4. Dokaz o stručnoj spremi,
5. Dokaz o radnom iskustvu u struci nakon sticanja visoke stručne spreme,
6. Dokaz o poznavanju rada na računaru MS office,
7. Program razvoja preduzeća za period od 4 (četiri) godine,

8. Certifikat o završenom usavršavanju izdat od strane nadležnog organa, u skladu s odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine FBiH“, broj:71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od 6 (šest) mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidata u postupku usavršavanja, a u skladu s važećom Uredbom (izjava ne smije biti starija od datuma objave Konkursa).

9. Ovjerena izjava o činjenicama nabrojanim u alinejama od 4. do 10. Općih uslova (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Konkursa).

Pored naprijed navedene dokumentacije, kandidat koji bude izabran na poziciju direktora Javnog preduzeća „Vodovod i kanalizacija“ d.o.o. Zenica, dužan je dostaviti i sljedeću dokumentaciju:

1. Uvjerenje/potvrdu da nije osuđivan za krivično djelo i za prekršaj nespojiv sa dužnošću Uprave – direktora, 5 (pet) godina od dana pravosnažnosti presude, isključujući vrijeme zatvorske kazne (ne starije od 3 mjeseca)
2. Uvjerenje/potvrdu da nije lice kojem je pravosnažnom presudom suda zabranjeno obavljanje aktivnosti direktora, izdato od nadležnog Općinskog suda prema mjestu prebivališta kandidata (ne starije od 3 mjeseca).

Podnosioci prijava koji uđu u uži izbor bit će pozvani na intervju.

Kandidat koji bude imenovan za direktora bit će u obavezi, prije stupanja na dužnost dostaviti uvjerenje o radnoj sposobnosti – ljekarsko uvjerenje kojim dokazuje opštu zdravstvenu sposobnost.

Nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.

Javni konkurs će biti objavljen u „Službenim novinama Federacije BiH“, dnevnom listu „Dnevni avaz“, na web stranici Grada Zenica, na web stranici JP „ViK“ d.o.o. Zenica i na web stranici JU Služba za zapošljavanje ZDK

Javni konkurs za podnošenje prijava ostaje otvoren 15 dana od dana objave u Službenim novinama FBiH.

Prijave sa potrebnom dokumentacijom, dostavljaju se u zatvorenoj koverti, lično sjedište Preduzeća ili preporučenom poštom, na adresu i sa naznakom:

Javno preduzeće „Vodovod i kanalizacija“ d.o.o. Zenica
-Komisija za izbor i imenovanje direktora“
Ulica Bistua Nuova br.17
72 000 ZENICA

„Prijava na Javni konkurs za izbor i imenovanje direktora
JP „ViK“ d.o.o. Zenica – NE OTVARATI“

Broj:100-10728-1/25 ŠS

Datum: 18.09.2025. godine

Predsjednik Nadzornog odbora

Korlat Emir, dipl.ing.